

13.01.22

Ég undirritaður styð frumvarp Ingu Sælands þingmanns um bann á Blóðmerahaldi, að gefa ekki leyfi til frekari blóðtöku úr fylfullum hryssum til hormóna-vinnslu. Hafa skal í huga dýraverndarsjónarmið beggja enda þessara aðgerða, bæði hvað varðar hryssurnar, en magn tekins blóðs er nánast komið langt yfir "gráu línuna".

Síðan er rétt að hafa einnig í huga dýraniðið á hinum endanum, það er að láta gyltur eignast allt of marga grísi sem gengur nærri ekki bara gyltunni heldur einnig grísunum.

Læt ég hér fylgja fyrir neðan grein sem ég skrifaði og birti núna á dögumum.

Trausti Þór Guðmundsson

Kirkjuferjuháleigu

816Ölfus

Draumurinn

Mikið verð ég dapur þegar ég hugsa út í „nýjan“ veruleika sem ég lifi í. Ég hef allt mitt líf notið samvistanna með hestunum mínum, ég hef líka varið stórum hluta lífs míns til þess að deila með öðru fólki „upplifunum“ mínum og „lærðri“ þekkingu. Ég hef haldið fyrirlestra sem fjalla um „samband manns og hests“,.....hve dásamlegt það er að upplifa það er hesturinn þinn horfir á þig af virðingu og skilningi.

Ég þreytist aldrei á því að fara orðum um mín „bestu“ augnablik og upplifanir sem hestamaður,.....“Þegar ég og hann erum saman tveir, úti í náttúrunni dansandi í „fullkomnu“ samspili“.

Við Íslendingar erum stoltir af hestinum okkar og leyfum okkur að fullyrða að hann sé „þarfasti þjónninn“, besti vinur fjölskyldunnar, öruggasti ferðafélaginn og besti sendiherrann?

Martröðin

Allt í einu er ég rifinn uppúr draumalandinu. Við blasir: Matvælastofnun (MAST) hefur yfirumsjón með heilsu og velferð þessara bestu vína minna. Eru reið-hrossin kannski ekkert annað en hliðar-afurð iðnaðar og matvælaframleiðslu,.....afgangarnir þegar valin hafa verið hross til iðnaðar og búið er að slátra öllu sem við getum étið?

Þess ber þó að geta að hrossakjöts neysla hér á landi er alda gamall siður þótt alls ekki allir neyti þess. Gunnar Bjarnason sagði á sínum tíma er hann kenndi Evrópu búum að njóta hestsins okkar að hrossakjöts át væri áriðandi hluti „reiðhesta ræktunar“ Það einfaldlega yrði að grysja til að tryggja gæði, en.....

Blóðmerar,...hvert er hlutverk þeirra hrossa sem notuð eru til blóð framleiðslu,....jú, úr blóðinu er unnið hormón sem notað er til þess að auka afurðir svína eða svo að gylturnar eignist fleiri grísi en náttúran gerir ráð fyrir. Við Íslendingar erum að stórum hluta „dýravinir“ og komumst þar af leiðandi ekki hjá vangaveltum um þessi málefnigerir þessar breytingar líf svína meira aðlaðandi en það var fyrir??

Niðurstaða

Í stað þess að lokka ferðafólk hingað til lands til þess að bera augu „gæðinginn“ okkar, kynnast honum og jafnvel fara í háfjalla-hestaferðir blásum við til veislu og á matseðlinum eru Grillaðar folaldalundir með Beikoni.

Þeir sem ímynda sér að þetta tvennt, það er „draumurinn“ og „iðnaðurinn“ geti verið hlið við hlið í ekki stærra landi en Ísland er, sjá lífið öðrum augum en ég.

Trausti Þór